

lich werde an zu schawen. Ire weyd ist gut auff den brüchen/oder auff wyssen die seind gelegen am truckenen. Auß pfudelen bringen in allen schaden/auff wälden denen die wollen tragen. Saltz zum dickern mal für gestrewet/iren lust zu essen erfrewet.

## Von Vmnen. Das. li. Capitel.

**V**omnen werden mit alle vöymnen (als die lerer schreiben) sunder einsteyls werden nach kunst auß faulen rindes leyben. Die besten seind rond/klein/vnd manigfarb/irer gesuntheit würstu do bey gewar. Wann sye stat seind in irer samelung vnd schön/vnd ir werck stot nach ordnung. Welche aber seind ruck vnd schüzlich im angezicht/als mit piluier bestrewet die kauff nit.

## Regule des zehenden büchs.

Das. li. Capitel.

**A**ller raubvögel natur ist zu flyegen vnnnd ston allein. wann sye wollen nit das je raub sey gemeyn. Alle thyer denen sye feyndt seind von natur mögen sye erkennen/vnd wann sye ir innen werden mögen sye schreyende machen sich vö dannen. Die raubvögel bleibden in der lieb irer herzen mit willen vnd gern/die sye wol speyssen vnd nit leydigen/vnd nit zu vil mühen noch zu ferz. Sie habich vnnnd andere raubvögel von natur bald werden zu zorn gereyzt. darumb wann ire herzen sye bewegen bleibden sye auß vnd aller meyst. Die Falcken halt mit speyß in dem standt/darin ir güte vnd töstigkeit würt bekant. Also auch alle die anderen gemeynklich. wann ir natur ist vil nab aller gleich. Wilde vögel fahet man mit wilden die man vorbyn zämet mit Habichen/Falcken/Adelern/Bloßfuß/Kauzen/wann die natur sye darzu gewönet. Auch fahet man vögel mit netzen mancherband geschlecht (als du von mir gehört hast) folgestu dem mit recht. Als mit stricken vnnnd mit leym/das laß dir alles ingedenck sein. Wilde thyer fahet man mit bunden/netzen/fallen/vn gruben tyeß. fisch mit netzen/reußen/vnd kysten styß.

# Das zwölfft Büch. Was sich gebürt alle monat ein haufzuatter züthün.

## Vorred.



**I**n den obgeschribenen bücheren ist vollkommenlich gehandelt/vnd das gar nützlichen vnd notturfftig mit vil worten was angehöret ein güten haufzuatter der leben will nach lust/vnd auch zu nutz in heißeren diser erden. Nun duncket mich not vnnnd nütz sein ein gedecht nüß aller dinger über jar züthün in allen wercken nach dem lauff der monaten/vnd das mit kurtzen worten/das ein haufzuatter das bey im trag/oder im hertzen hab/vnd nichts versaum. wann manig ding würt bald versaumet vnd schwärlich herwider brocht vnd erfrohet. wann er dann weyßt das werck/so findt er in den eylß vorgönden bücheren die weyß wie er würcken/oder handelen soll.

Das Zwölffte  
Vom Hartmonat oder Jenner.

Das Erst Capitel.

**I**n dem ersten monat nach dem kalender fürderlich in warmen landen magst du erkennen gütigkeit / oder lufft / wind / wasser / vnnnd wonlicher stett. Wiewol in mässigen landen dz in andern monaten bas erkant würt. Item in den solichen warmen landen magstu bequemlich höff vnd heüßer bawen / vnd aller best magstu holtz zü bawen fallen. Item den alten myst außfüren vnd newen inlegen / vnd Bonen vñ Citzerlin vnnnd wicken säben. Item wo die äcker nit zü weych seind züm ersten ören. Item in den solichen warmen lande weingärten tungen vnd schneiden. Item Sorben / Pbyrsig / Nuss / Mandelen / vnnnd Pstraumen setzen in kernen. Item die bäum die hart geben magstu pflanzen / oder ympffen. Item in den newen / oder vernewten wyßen wicken vnd bewblümen säben / vnd weyden / sembden vnd rhor zü stecken / vnd alles was zü brenne nutz vnd not ist wilder vnd heymischer matery bawen vnd sellen. Item alle vassz vnd ba wrot süder. 2c. was züm hauf gehört werden gar bequem in disem monat gemacht Item allerley thier kauffen die heymisch seind / vnd säben die wild seind. Item ymmen von einer statt auff die andern zü tragen.

Vom Hornung. Das. ij. Cap.

**I**n disem monat magstu erkennen die güte der wonlichen stett vnd die kauffen / vnd auch hauf vnd was darin / oder darumb ist bawen. Item myst außfüren vnd tungen äcker / gärten / vnd wyßen. Auch sol man fürderlich in warmen landen zü erste äcker ören / bonen / citzerlin / wicken / vñ etliche andere säben / vnd korn / saren / speltz mit den häwlin rüren / vnd die wasser dauon leyten. Item in warmen landen habern vnd grossen citzern säben / vnd in den mässigen landen auch erbiß säben / vnnnd röllen. Auch soltu disen monat reüten wo du wilt ein weingarten machē. Item bey dem end in warmē stetten würt güt pflanzen vnd ympffen wan die augen beginnē geschwellen / vñ noch nit weynen wasser / sünder dicke feüchtigkeit. Item in mässigen landen ist das best weingärten schneide wo nit Schnee oder groß kelte byndert. Wie dz geschehen soll findestu im dritten büch von weingärten. Item in disem monat bereydet man bequemlich die weinstöck vñ auch die bäum die weinstöck sollen tragen. Auch soll man die weinstöck raumen / vnd die vnnützen wurtzelen abhawen. Item man soll die weingärten stecken / vnnnd in warmen landen graben. Item du magst in bellem wetter in dem wind Bozeas genant von mitternacht / vnd nit von mittag schwache wein ablassen / vnd ob du wilt syeden das sye sich halten. Wo die erd nit zühart noch zü weych ist magstu pflanzen allerley bäum. namlich wan dz grün safft sich in die rinde ergossen hat. Item du magst die bäum gantz behawen von überflüssigkeit vnd vnreynigkeit. Item rosen pflanzen / rhor pflanzen vnd stiften. Item krautgärten graben vñ tungen wo der bodem nit zühart noch zü weych sey. vnnnd aller somen der sich gebürt im glentzen säben. als Knoblauch / Tyll / Epff / Welden / Emis / Wermüt / Buck / Andorn / Wangoldt / Basilicon / Cappis / Zwibelen / Fenchel / Süßholtz / Lactuea / Wüntz / Lauch / Wagsomē / Peterlin / Pastinack / Spinack / Senff / Eschlauch / Gartenköl / auch die wilden kreüter zü artzney. Auch sol man pflanzen der bäum außsuchē in disem monat / auch sol man zeün machen von gettten / oder vö dörnern / wiewol sye noch nit recht grün seind. auch wald vnd weydicht pflanzen. Item zyer gärten vñ andere lustbarliche ding im achten büch beschriben. auch basen / wald / vnd weyher / als im neunden büch stot. Item psawen / gänß / hünere / vñ tauben beginnen in dem monat zü brüten. Item ymmen magstu kauffen / vnd solt sye züm dickern mal berauchen vnd sye reynigen / vnd die bösen künig tödten. Item die herd der Ochsen vnd Esel magstu kauffen vnd der Schoff vnd Geys / vnd auch der Sew. Item die Habich vnd Falcken

vnd falcken sollen diesen monat wol versorgt sein vnd bey dem end zu wechself gesetzt werden. Du magst auch jagen vnd vogelen vnd fisch fahen mit mancherley weis/ob geschriben im vierden büch.

### Vom Wertzzen. Das. iij. Capitel.

**I**n dem monat ist gar gut zu ören/ist das erdrich nit zu feucht. Item bey dem ende soll man sähen Habern/ Kyhern/ Hanff/ vnd Bonen in kalten landen. In mässigen landen in feytem boden sollen Bonen gesäbet sein im anfang / vnd die im hart monat gesäbet seind die sol man rüren mit dem kleinen bewlin wan sie vier blätter haben. Item man soll rüren den weyszen/speltz/vnd gerst. Item man säbet *Malica/Hyrsh/Panicum/vnd Fascheol.* Item weinstöck beschneiden vnd geympfften im anfang/vnd bald darnach gegraben wann das erdrich wirt gemässiget. Item die reben werden vffgelesen/vnd werden auch gesetzt vnd geympffte. Item wein werden abgelassen in hellem wetter vnd in dem wind der mitternacht. die geringen vnd leichteren werden auch gesotten das sie sich halten vnd nit vffwerffen/vnd die vass werdē ganz erfüllt vnd in welschen landen fest zugeschlagen in kalten kelleren / das sie nit effigen werden. Es mögen auch alle bäum gepflantz vnd fürbaß gesetzt vnd vmbgrabe werden/vnd auch geympffte die nit hartz bringen. Item die gärten werden gereut getünget/vnd gesäbet aller somen die wir genant haben im Hornung. Auch Kürbiß / Melonen/wilde Kürbiß bey dem end/vnd salbey mit kleinen zweyglin in die erd gesteckt. Item in kalten landen soll man die wyssen reynigen. in mässigen landē soll man jr hüten/vnd vorab in warmen landen. In dem monat vorab soll man kauffen pferd vnd mütter/ochsen vnd kü/Eber vnd sew/vnd machen stüdt vnd herd / vñ zülaffen männlin vnd weiblin. Item ymmen soll man räuchen vnd die stöck reyn machen von wümen vnd aller vnflätigkeit. Item die häbich sollen ston in der nüßung/vñ die asturres in grossen keffigen ston vnd mit gutem fleisch gespeysset. Item du magst fahē vögel/fisch/vnd wildt. es weren dan die allein im schnee vnd kälte wolle gefangē werde.

### Vom Aprillen. Das. iij. Capitel.

**I**n Aprillen öret man die feyten äcker die lang wasser halten/vnd die truckenen werden zum andern mal geackert. Item kyhern werden gesäbet in kalten landē/vnd Hanff vnd *Malica* in mässigen im anfang. In kalten landē gräbt man die weingärten/vnd auch in mässigen. Vnd starcke wein werden abgelassen. Item granat äpfel mögen gesetzt werden vnd auch geympffte/vnd Psyrzig mit augen/als *Palladius* spricht. Item aller bäum pflantzten sollen bewart werden vor den thyreren wo jr gang ist. Item Kürbiß/Citrulli/Melonen/Epff/Capres/Basilien somen/Quendel/Lactuca/Wangoldt/Zwybelen/Welden/wo die ding mögen gewässert werden/als *Palladius* spricht. In dem monat in warmen landen schyret man Schoff/vñ die spoten werden gezeychnet/vnd die Wider werden zügelassen zu den Schoffen/vñ die steiger zü den pferd mütteren/vnd Esel zu Eselinn. Item den Tauben müß man nun speys geben wan die zeit kumpt das die feld alle geackert seind. darumb mögen sye wenig speys findē zü jrer narung. Item (als *Palladius* spricht) man soll süchen die ymmen vnd ire vass reynigen/vnd die zweyfalter soll man tödten die gar gemein seind in der zeit der blüß der Pappelen. Auch magst du nun fahen/vñ in allen sommer monaten vogel/fisch/wildt/in maß demes gefallens nach obgemelter leer.

### Vom Meyen. Das. v. Capitel.

**I**n Meyen soll man ören die äcker die aller lengst wasser haltē wan sie gewachsen seind/vnd doch die kreüter nit gesamelet habē/vñ die truckenē äcker mag man in diesem monat nach dem aller besten vmbstürzen/oder als etliche sprechen wollen

zum andern mal ören. Alle samen vnd frucht ston nun naber der blüet/darumb soll sie nyemant rüren. In feuchten vnd kalten landen säbet man yetz Panick / Fascheol / vnd Hyrsch. Palladius spricht/das in dem monat alles holtz zu fallen ist. wann die wald ston vnd blüen vnd grünen. Nun soll man graben die krautgärtē vnd die wein gärten das zweyt mal/vñ soll sie lauben. In gar kalten landē pflantz man olybeum/ vnd von jnen wirt abgeschabet das mos. Hat yemant feygbonen gesäbet zū tūngē en/der soll sie nun ombarbeyten. In dem monat mag der Psyrigbaum gepflantzet werden. vnd dem Citzerbaum ingeympfte werden. vnd zū gleicher weys der feyg enbaum/ vnd wirt geschickt die pflantz des Palmenbaumes. Nun sollen auch die gärten die man säben will vff den herbst gegraben werden/vñ geschickt nach der natur der kreüter die man darin säben soll. Nun säbet man Coriander/Epff/Welonen/Rürobis/Rettich/Karten/vnd Rurba wirt gepflantz. Lauch wirt fürbass gesetzt das er gewässert werd. Cappis wirt gar wol in diesem monat versetzt/vnd zwybelen. Porzel wirt gesäbet. auch welche zeit sie gesäbet wirt allein das es warm sey / dann wächst sie alle zeit. In dem monat in landen nabe dem mör mehet man haw. wann das haw be regnet ist soll man es wenden ee wann es truckē werd. Item nun soll man leychten den kalberē/vnd soll die schoffscheren. Nun soll man milch lyppen vnd käß machen / als vor gesagt ist. Item die künig der ymnen sollen getödet werden die von den krychē werden genant oestrum/die werden yetz geboren in den außeren teyle der honig rose. Item die zwysalter sollen auch getödet werden/als vor gesagt ist.

### Vom Brachmonat. Das. vi. Capitel.

**I**n Brachmonat soll man bereyten das dresch thenn wo man im feld dröschet/ vnd soll den gantz von allem stro/myst/vnd staub frey machen. Nun mag man noch säben Panick vnd Hyrsch. Nun soll man zū erst schneiden die winter gerst. vnd bey dem end/den Weyszen in warmen landen. aber in mässigen landē wirt der weyszen nit so frū zeitig. Nun die äcker die im Weyen bleiben/soll man ören. vnd die Wein gärten zum zweyten mol grabē/das heißt geört. namlich wo vnkraut ist in kaltē vnd feuchten stetten. Wir sollen mehen Wicken / vnd grekisch haw/das genant ist syben zeit zū fütter der pferd. auch so soll die Ern der küchenspeiß geschehen in diesem monat. Auch soll man die ersten gesäbeten Bonen außziehen vnd die ören vnd außschlaben/vñnd erkülen/vnd in schürten. feygbonen werden auch in diesem monat gelesen. Wo die Byeren vnd öpffel zū dick ston soll man die bösen abraumen. In dem monat magst du einen zweig von Granatöpffelen mit einem apffel beschliessen in ein yrdin geschurz/das er so grosse öpffel bring als das selbig geschurz ist. Item in dem monat geschicht ein impffung die man nennet empflaster in Byerbeum/Apffelbeum/vnd feygenbeum/Olybeum/vnd andere in denen scrift safft ist in den rinden. Item in dem monat magst du noch säben Borris oder Porzel wo du die magst wässern. Auch solt du gemeyne wyssen mähen wann die blümen des gras vollkommen seind/vñnd noch nit gedöret. Auch nun soll man kalber entleychten vnd käß machen/vnd Schoffscheren in kalten landen. Nun soll man auch Honig schneyden auß den ymnen stöcken denn ist sein vil/vnd Wachs machen. vnd der pfleger der ymnen soll gar fleissig sein wann jr zeit ist zū schwörmen/dass sie nit hynweg flyegen. namlich bis zū. viij. oder ix. vren. vnd soll alle zeit bereyt haben läre vaf dar in er die ymnen mög lesen/vñnd in sein ort setzen/als ich geleert hab im neüenden büch von ymnen.

### Vom Hermonat. Das. vii. Capitel.

**I**n dem monat soll man die geörten äcker zum zweyten mol arbeytē. Was noch von Weyszen nit geschnitten ist/soll man schneiden vnd küchen speys. Wilde äcker soll man yetz reütē/das ist güt. Wicken vnd Farn vertreibet man yetz zwyschen den hunds

den hundertstagen aller best vō den äckeren. Item bey dem end diß monatz säbet man bequemlich rüben vnd napen. Item die weinstöck soll man rüren / vnd das gras bey jnen wachsende zu puluer machen. Item die bäum die in den fruchte gestanden seind soll man nun nach der ern freyen vnd reynigen / vnd für die hitz sye wol mit erden vmb hüffelen. In feuchten stetten mag man augen von seygenbäumen ympffen in citer / bäum. Auch magstu in der weyß genant emplaster ympffen / vñ in kalten stetten by ten vnd öpffel ympffen. Item die bößen öpffel beschwärende die bäum soll man ables sen. Item die pflanzung genant Talia mag geschehen des Cederbaum wo du in magst wässeren. Nun in mässigen landen soltu Mandelen lesen. Item die Kü zu füren den Schpen / vnd die Wider thün zu den Schossen. Alle wyßen die noch nit ge z mäbet seind die soltu mähen.

### Vom August. Das. viij. Cap.



Vm drittē mal soltu äcker ören. Item in seinem anfang magstu rüben vnd rettich säben nach dem ersten regen / vnd napi vnd seygbonen damit du wilt tingen die weingärten. Item dan soltu den flachs raußen vñ vnd hanff wañ sye vō der hitz weck vnd salb werden / vñ den somen auß jnen schlagen vnd sperüsten vñ machen als du wilt. Item bey dem end lyst man milica die würt zeytig in der zeyt. Auch werden die seygen gelesen vñnd gerrücknet. Auch muß vnd anderer bäum frucht die zeytig seind / vnd werde bereyret zu halten. In kalten ländē hawen sie dz weinlaub. In warmen decket man lieber die trübel mit dem laub gegen der sonne. Man macht nun auch agrest. In warmē landē bey dem end schicket man geschirz zu weinlesen. Auch magstu in disem monat dz Queck gras vnd saren vertreiben mit stä ter ackerung vō deinen felden. In dem monat magstu auch emplasteren die kleinen bäumlin / vñ byren ympffen / als Palladius spricht. Item nun mag man wasser süch en zu brunne adern zu leyte. wañ die nun flyessen seind nit vnstät. Item winter pflanzen vō cappis mag man säben nach dem mittel diß monatz. dan fürbaß zu setzen.

### Vom September. Das. ix. Cap.

In disem monat macht man bequemlich cisternen vñ gegrabene brunnen. Die seyften äcker die lang zeyt wasser halten werde yezunde zum dritten mal geöret vnd gesäbet. Die subtilen höbel magstu zum ersten ören / vnd darauff säben bey der gleichnächtigen zeyt. Nun soll man die höbel dick tingen wañ das lycht abnympft / vñ die schlechten feld dünner. Nun soll man Weysen säben in feuchten / kaltē / beschä tigen landen bey den gleichnächtigen tagen / vñ auch Speltz wañ es hell ist. Auch in warmen landen säbet man Lynsot den man nennet glentz flachs. Item die milica die eliche sagina nennē die lyst man nun / vñ bey dem anfang im welschen gebürg säbet man korn / vnd dz schneiden sye über ein jar im letzten tag des monatz. Item bey dem anfang säbet man wolff schotten / oder seygbonē zu tingen mit seinem vñmarbeyten. Auch in wol getüngetem acker säbet man bey dem end farrago das über winter stot / vnd in der vasten würt es gemeyet zu füter der vybe. In mässigen landen werden die laub der weingarten verhawen. darnach geschickt zu weinlesen vñnd trübel trucken zu halten / vnd Sappa vnd Defrictum / vnd Carocnum würt gemacht als ich ge lert habim vierden büch. Item was frucht der bäum zeytig seind werde nun gelesen. Nun säbet man mag somen in warmen truckenen landen. Item die gärten räum die man säben will auff den glentzen die sol man tyeß graben vnd tingen wañ der Won abnympt. Item in dem anfang mag man wol cappes säben auff winter pflanzen / vnd bey dem end Knoblauch / der stot über winter. Wo es warm vnd trucken ist mag man säben Tyll / Lactuca / Wangoldt / vñnd auch Kettich. Item nun mag man machen newe wyßen / wañ sye wol gereyniget seind von döznern / streüchen / bäumen /

kreutern/mit breyten bletterē vast gewurtzelet worden. Auch sol man die alten wyss  
en von dem moß reynigen/vnd die verdorbenen wider vmb ackeren vnnnd erneuweren,  
Item die alten ymmen soll man ganz zūbauff schlagen/vnd darauß machen wachs  
vnd honig. Item nun ist zeyt mit den häbichen wachelen vnd räphüner zū fahen.

### Vom October. Das. x. Cap.

**I**n October mag man brunnen vnnnd gräben machen/vnd myst füren auff die  
äckter/vnnnd ist die best säbet in mässigen landen zūm Weysen/ Korn/ Gerst/  
Speltz/ Sygbonen/vnd Lysot. Item in kalten landen weinlesen/vnd auch in war  
men wo man seer zeytigen wein begert. vnnnd die soliche wein mag man salben/vnnnd  
mancherley machen in geschmack vnd farbe. In dem monat mag man bequemlich  
weinstöck setzen in truckenen/warmen/lyechten/sändigen/frölichen/oder höbelechten  
bodem. wann die werden von den winter regen gestercket wider die schwachheit des bo  
dems. Auch soll man alle neue stöck freyen/vnd die überigen wurtzelen ganz dar von  
raumem. Vnd wo die gnädigen winter weren möchten die stöck also frey bleiben. wo  
aber das nit ist/so soll man sye decken/vnnnd tauben myst doran legen ehe wan die ge  
fröst kommen. Auch in warmen frölichen landen magstu stiften oley gärten/vnd al  
les das zū oley bäumen gehört. Item du solt deine flüsser vñ gräben reynigen. Item  
du magst pflanzen kyrshbaum/byrbäum/öpffelbaum/vnd der gleichen die nit söch  
ten den winter/oder auch fürbaß setzen/vñ aller meyst in warmen truckenen landen.  
Sorben vnd Mandelen werden nun gesetzt in den sämer/oder pflantzter. Von säen  
alles das im September bequem ist nun auch bequem/ Knoblauch. Auch pucht  
Palladius/das Lauch im glentzen gesäbet würt new versetzt/vnnnd macht grosse  
haupt/vnd würt gebacket stätiglich. Auch wer nit geschnitten hat seine ymmen im  
September der thü es nun.

### Vom Nouember. Das. xi. Cap.

**I**n Nouember in gar warmen landen säbet man wol Weysen im anfang/vñ  
im winter Gerst vnd Korn/vñ im end Bonen in die vngedörten stupffelen. Lyn  
sot vnd Lysen werden auch bequemlich gesäbet. Item den ganzen monat in war  
men truckenen stetten magst du weinstöck setzen vnd reben strecken. In kalten stet  
ten die weinstöck vnd bäum vmbgraben vnd wider decken/vnd die mageren tungen.  
Fürbaß bitzes gefreürt soltu die alten weingärten die ston in festem bodem/vnnnd wo  
diestöck ganz seind freyen/vnd mit myst sättrigen vnd kurtz schneiden/vnd zwischen  
drey oder vier fuß vö der erden wo die rind wol grün ist ein wund machen/vñ die zū  
dickeren mal erneuweren/daser also weyn. daruon würt der stock wider kumen. Nun  
soll die herbst beschneidung sein der bäum vnnnd weingärten. namlich wo vns das ge  
witter darzū dienet. Auch in dem monat wan sich die oley böz färbē/soll man sye lesen  
vnd die oley bäum behawen/vnnnd die gar hohen wipffel werden verkürtzt. das soltu  
auch halten in Nespelen/ Feygen/Phyrzig/vnnnd Kitten. Auch magstu setzen oley  
gärten/vnd setzen kern der Phyrzig vnd der Pini in warmen landen vnd truckenen.  
Aber in allen landen magstu setzen pfraumen kern. Auch magstu pflanzen vnd säbe  
Castanien. Auch in warme pflantzter setzen wir wilde pflantzlin die wir wollen ympfo  
sen in allerley geschlecht der bäum in der weyß die man nennet talia/vnd auch den so  
men der Mandelen. In dem monat magstu grosse bäum fürbaß setzen in warmen/  
truckenen/vnnnd lustigen stetten mit ganzen wurtzelen. aber mit verkürtzten zwei  
gen. mit güter tüngung vnd wässerung. Item in dem monat soll man fellen baw  
holtz wan der Mon abnympt. Item die Wider last man zū Schoffen/dz die jungo  
en mögen kommen in die ersten tag des glentzes. Auch also die Böck zū den Geysen.  
Item die wilden thyer vnd fisch werden gefangen in mancherley weyß.

## Vom December.

Das. vij. Capitel.

**I**n December magstu sähen Bonen die werden wachsen nach dem winter. Auch felle man bequemlich holtz zu bawen/oder zu vassen. Auch behawet man die wald vnd bäum. Item allerley stöck zu weingärten holtz/oder rhoz/werden dann gemacht. Item sembden zu binden vnd körb zu machen vnd keffigen/vnd vil ander baw rot. Item von wegen des schnees werden vil rhyer gefangen mit binden. Item vil vögel mit raubuögelen vnd mit netzen / vnd auch mit leym. Gott bewar vns vor den vögelen des hymmels von denen Christus saget. das seind rechte raubuögel. die sahen aber yetzundt mit anders wann die seelen der menschen. Aber nach dem jüngsten gericht werden sye nit von gewalt/sunder vō Gottes vrt Eyl sahen leyb vnd seel. Nun sollen wirs fürkommen mit gütten wercken/so will vns Gott wider die vögel stercken.

**G**edruckt zu Strassburg durch Hans  
Knoblouch den Jungen/am Witwoch nach sant  
Adolffs tag. Als man zalt nach der ge-  
burt Christi vnfers Herren.  
M. D. XXXI.



John Sturton

Book of the City

[Faint, mostly illegible text, possibly bleed-through from the reverse side of the page]

And the first thing in the world

and the first thing in the world  
and the first thing in the world  
and the first thing in the world  
M. C. C. C.

Ca

Das

Item

Das



Das

